

嚴陵新志引

嚴之為郡肇自新都表忠武也
繼稱睦州美風俗也又曰嚴陵
高風節也宋代為畿輔建旄之
地

天駟為

龍飛過化之邦實乃東南之上郡焉

郡之有志手自名賢弘治以還
紀載未續近百年矣萬曆丁丑
歲督府大司馬徐公俞學憲喬
公之請檄修郡志以會大統人
文之盛重以屬予時則郡守楊
公銳興文治諏諸同寅龔趙宋
三大夫以示建淳桐遂壽分諸

令長亟勸幣聘楚曰予老矣焉

能為是役哉辭弗爾克乃即郡

司馬林公杰司理周公憲郡人

邑博馬子驥氏初藁采而輯之

口授館生質之太玄之席例遵

一統集合六編而損益之以歸

于一其曰方輿曰經畧曰食貨

曰秩官曰治行曰選舉曰人物

曰藝文曰外志雖各分門而中

間條目罔敢或紊蓋邑詳于郡

郡詳于省

朝廷建四方之極

京師會萬國之同古今天下其義一

也

萬曆六年十二月初一日

郡人徐楚謹識

舊志序

太守李公重脩嚴陵志成屬予序焉予惟夏之禹首周之職方志之始也春秋之列國史秦之丞相府圖籍漢之司空輿地圖志之漸也唐宋之地圖宋之圖經

國朝之郡縣志志之備也秦漢以上無庸考矣地圖在唐三年一脩上之在宋閏年一脩上之圖經又在大中祥符中脩之儒臣而頒之天下郡縣志在永樂景泰中凡再脩而再上焉地圖未之見圖經猶有存者而郡縣志

今皆採入

大明一統志矣唐宋出常制國朝出

特命顧此何自耶蓋景泰中嚴郡奉命所脩之志錄本上之翰林副本存之郡學今四十年矣公乃取而重脩之也予嘗觀之舊志所書有若沿革分野疆域至到之類無所損益今則仍之而已其他事物遺者則補之誤者則正之來者則續之而各有微意存焉夫郡置守有貳有判郡之所由治也縣置令有丞有簿縣之所由治也郡縣治守令賢矣生養

遂戶口增矣作息均田野闢矣
播種時物產登矣衣食充貢賦
足矣由是教化行而風俗美焉
絃誦聞而學校興焉誠敬將而
祀禮舉焉德業脩而科目盛焉
賢俊用而人物見焉不特此也
高尚之士道學之儒世嘗有其
人矣而忠臣孝子義夫節婦何
代無之哉至若山川之秀鍾於
人也或有神靈之及物壇廟之
祀著於令也或有功德之在人
冥頑怙終必置之法而刑獄不
可無劫盜竊發必加之兵而武
衛不可缺廨宇所以出治郵驛

所以傳命舟楫橋梁所以濟衆
陂塘場堰所以利農與夫積粟
有倉阜財有庫恤孤有院聽訟
有亭勸士有坊樂賓有館古蹟
有禪於登臨遺事有廣於闡見
詩文有關於世教行遺有切於
時宜若此之類所以補之正之
續之者其亦多矣此外非道之
同君子所不與也非理之正聖
人所不語也而寺觀仙釋舊志
必爲之書以備參考以垂鑒戒
者今亦仍之嗟乎

命出

先朝事因前守創不自乎已也同脩

者二郡僚校正者一儒生勞不
涉乎衆也毫楮之屬一皆給之
公儲之餘費不及乎民也不有
識見與才力者其能然乎然則
一郡事物之畢載誠非小補也
而千載文獻之足徵豈非嘉惠
哉予辭不敏不獲已而勉爲之

序公名德恢東安人一門五世
孝友忠義之篤爵位勲業之隆
文學科名之著時鮮及云

弘治六年八月十三日

賜同進士出身資政大夫

南京工部尚書致仕淳安胡拱
辰序

郡志凡例

一志必有圖今摺括郡縣華為一圖次則府城公署行臺樓閣亭榭湖山表裏又為一圖建德淳安桐廬遂安壽昌分水又各一圖并諸卷首

一志必紀實比見各處志類下必援引詳詳以彰博洽治體何關今則類分小序條貫通辭悉去繁文務求切實期明白易曉爾

一舊志以宋圖經續志為主而以國朝所修者附益之今各主一總志為足

一前安撫方回所修節要圖經蓋在元初併宋之後不過仍其舊史而元人一代多不可攷姑闕之

一山川宮室坊閭舊志在域內者載於本府其餘悉繫建德夫建德附郭邑也舉府城則建德可知今仍舊志於府城近處則云在城某里餘悉書在縣某里姑從前說

一守令而下名宦自有列傳其無傳者亦有碑記志序可查其或附之雜志者乃前人修志之意固亦從之

一人物公論悉宜付之身後其任宦賢能孝友節義之類豈可不分存歿以已意一舉混書先儒

有言夫為已者無所為而然也否則割股廬墓飲車贏馬一為人耳其信然哉間有悉老不二其行者亦畧附之

一守禦衙門前志所修備載宋時軍營及國朝千戶所建置之錄今悉仍舊附于府治

一前志於文章一類所集甚多其寺觀碑記比郡縣更倍今惟摘其畧節附諸各條之下其有關政教及前賢制作不可泯者方全錄之

一近日六縣所輯各持一見甲可乙否先後不倫若悉拘其情非信史也事類文實始符公論

嚴州府志目錄

第一卷方輿志

建置沿革

郡名

分野

疆域

形勝

第二卷方輿志二

山川

風俗

第三卷經畧志

公署

學校

書院

社學

坊表

城郭

第四卷經畧志二

宮室

倉儲

舖舍

鄉都

第五卷經畧志三

守禦

教閱

壇壝

祠墓

第六卷經畧志四

寺觀

古蹟

第七卷經畧志五

津梁

水利

第八卷食貨志

戶口

田土

物產

貢賦

課程

第九卷秩官志

守令

官屬

第十卷治行志

遺愛列傳

第十一卷選舉志一

甲科 辟召特奏名附

廢叙

第十二卷選舉志二

鄉舉 歲貢例貢附

第十三卷人物志一

鄉達列傳上

第十四卷人物志二

鄉達列傳下 臆封

第十五卷人物志三

理學 儒林 文苑

第十六卷人物志四

隱逸 流寓 忠義

第十七卷人物志五

孝友 列女

第十八卷外志一

雜傳 仙釋 盜賊附

第十九卷外志二

遺事 異聞附 祥異

第二十卷藝文志一

賦咏

第二十一卷藝文志二

制詞 章奏 會州

第二十二卷藝文志三

府序記

第二十三卷藝文志四

建德序記

第二十四卷藝文志五

淳安序記

第二十五卷藝文志六

桐廬 遂安 壽昌 分水序記

目錄終

嚴州府志

輿圖

嚴州府總圖

連德縣圖


淳安縣圖


桐廬縣圖

遂安縣圖


壽昌縣圖



分水縣圖








嚴州府志 輿圖





嚴州府志 輿圖





嚴州府志 輿圖

嚴州府志卷之一

嚴州府知府楊守仁 主修

同知龔天中

通判趙秉攷

推官宋行可 同修

四川布政使司左參政徐楚 纂修

嚴州府儒學訓導楊德興

葉 著

淳安縣儒學訓導顧汝紳 校正

嚴州府儒學生員徐方

建德縣儒學生員張世爾

淳安縣儒學生員徐應壽

桐廬縣儒學生員羅昌齡

遂安縣儒學生員吳兆麒

壽昌縣儒學生員李度

分水縣儒學生員陳復華 彙集

方輿志

天文地理人事是為三才參而兩之存乎人焉爾矣惟嚴建置見分半女地析會郭肇漢代之新都列浙藩之上郡陰陽風氣之會山川形勝之雄問

體觀風胥於是為稽蹟考圖括諸掌矣作方輿志

建置沿革

惟皇立極建邦設郡縣茲侯服山水名區沿

革屢更控制如初分封六邑共輔輿圖

嚴州府

本禹貢揚州南境春秋屬吳屬越戰國屬楚秦介

會稽郡郡漢屬會稽郡陽建安十三年孫權分餘

縣置新都郡於地晉改新安郡梁隸東陽州隋廢

新安為縣入婺州而置歙州仁壽中即新安故城

而置睦州大業初改睦為遂安郡歙為新安郡唐

武德四年復為睦州析桐廬縣為嚴州尋廢而以

桐廬屬睦州貞觀元年分天下為十道睦州隸江

南道神功元年徙治建德天寶元年改新定乾元

元年徙睦州五代屬錢氏宋太平興國納土隸浙

西路先是太宗以親王領睦州防禦使政和八年

升為建德軍節度宣和三年平方臘改為嚴州遂

安軍節度高麗二宗皆以皇子領遂安軍節度使

咸淳十年升為建德府屬浙西路元改建德路

國朝洪武八年廢中書省改為嚴州府隸浙江布政

使司領建德淳安桐廬遂安壽昌分水六縣

建德縣附郭

本東漢吳郡富春縣地吳孫權廣武四年析建德縣隸吳郡封其子皓為建德侯晉宋皆隸吳郡梁普通十年割隸東陽郡隋開皇九年縣廢併太末建安入金華改為吳寧縣後為郡為鎮不一唐武德以後復為建德永淳以後復置睦州而治於建德末宣和三年平方臘隸嚴州為建德府治元仍舊

國朝廢縣屬嚴州府治編戶八十六里
淳安縣

在府城西一百六十里本漢丹陽郡歙之東鄉新定里建安十三年孫權既平山越置始新縣隸新郡郡治晉改郡新安而縣仍舊名隋開皇改新安縣隸婺州仁壽三年置睦州後改雉山縣為新安郡治唐初復名新安開元中改為還淳永貞初改青溪屬睦州宋宣和平方臘改淳化隸嚴州紹興中始名淳安元仍舊

國朝因之編戶九十三里後併在坊又省十里今八十三里
桐廬縣

在府城東一百里本漢富春縣桐廬鄉之地孫權廣武四年析置桐廬縣隸吳郡又即桐廬置新城縣隋初廢仁壽中復置屬睦州唐初置嚴州并廢以將屬睦州後屬杭州及錢氏納土後屬睦州宋宣和三年平方臘隸嚴州咸淳元年隸建德府元仍舊

國朝因之隸嚴州府編戶五十里
遂安縣

在府城西一百八十里本漢歙縣之南境三國吳置新定縣屬新都郡晉平吳改遂安縣屬新安郡隋初廢郡併縣入新安縣仁壽中置睦州於新安縣後以遂安為縣隸睦州唐神功元年徙州于建德而縣亦隨隸宋宣和三年平方臘隸嚴州後屬建德府元仍舊

國朝改建德府為嚴州府縣仍遂安編戶六十四里
壽昌縣

在府城西南九十里本漢富春縣地吳置新昌縣屬吳郡晉更名封昌梁割隸新安郡隋併入新安縣唐永昌元年分雉山復置壽昌縣守省神龍元年復置屬睦州宋宣和三年平方臘隸嚴州咸淳

元年建德府元仍舊

國朝改嚴州府縣仍舊昌編戶三十六里
分水縣

在府城東北一百十五里本桐廬縣西鄉之地唐武德四年置嚴州治桐廬乃析桐廬七鄉為分水縣取桐水中分之義尋省如意初復為縣名武德詠睦州神龍元年復舊名實應中復置昭德縣大曆中併昭德入分水宋淳化初改分水置南新縣熙寧五年又省南新入杭新城縣淳祐初并嚴州為建德府又廢南新縣為分水元改建德府為嚴

州府縣仍舊

國朝因之編戶一十七里宣德間新一營為上中下

三國增設一十八里

郡名縣附

封建既罷郡縣斯立世代命名其麗不一睦稱望郡爰自伊昔瞻仰高風嚴陵奕奕

嚴州府

曰嚴陵郡治東五十里有富春山嚴子陵耕釣處

因以名郡

曰桐廬郡治東一百里有桐君山昔有異人指桐

為姓因以名郡

曰富春郡治本富春縣地又嚴陵山一名富春云

曰新都漢建安十三年賀齊平山越置新都郡舊

在新定里今淳安地

曰新安晉太康元年平吳改新都為新安郡

曰古睦隋仁壽三年置睦州取俗阜人和內外輯

睦之義

曰新定唐天寶元年改睦州為新定郡存舊地名

曰建德宋咸淳元年度宗以嚴為潛藩地升為建

德府

建德縣

曰富春漢始立富春縣

曰建德吳孫權析富春縣為建德縣封其子為建

德侯

曰吳寧隋開皇九年廢建德縣入金華改為吳寧

淳安縣

曰始新漢建安十三年賀齊平山越分歙縣立為

始新郡

曰新安隋開皇九年平陳改始新為新安縣

曰雉山隋大業初改雉山縣以西南有雉山故名

曰遷淳唐開元二十年改新安縣為遷淳縣

曰青溪唐永貞元年以憲名諸改遷淳為青溪

曰淳化宋宣和三年平方臘改青溪為淳化

桐廬縣

縣以桐君山在江口因以名縣先為桐廬郡後屬

嚴州府而桐廬縣未之有改

遂安縣

曰新定漢建安十三年分歙地置新定縣

曰遂陽以縣治在五獅山之南故名

壽昌縣

曰新昌三國吳分富春土為新昌縣隸吳郡

曰壽昌晉平吳更名今仍其舊

分水縣

曰分水唐武德四年析桐廬七鄉別為縣以桐江

中分因名分水

曰武盛唐如奇元年置名武盛

曰昭德唐寶應元年析置昭德

曰南新曰分陽大曆六年併昭德入分水後以縣

治在雙羊南改南新又為分陽今仍為分水

分野

周官星土保章實司惟兼浙雖牛女當之以齊七政以順四時占候應政治化免宜

嚴州府六縣同

按嚴郡即揚州南境周官保章氏法以斗牛女屬

揚州春秋元命包以牛女流為揚州分為越國

志以吳地為斗分野為丹陽諸郡隋志以南斗十

二度至須女七度為星紀辰在丑是也得其分野

唐志據鄭玄說以為星紀之分宋志以南浙路當

南斗須女之分迄今未有定論然考

國朝清類分野書吳分野斗牛在丑自斗二度至女

一度屬吳越分揚州而一統志亦為天文牛女分

野近七閩戴今廷愧志淳安謂淳安去會稽六百

餘里而范蠡鬼谷諸人以會稽入牛一度臨淮入

牛四度廣陵入斗八度則淳安尚未入牛當如宋

史所云南斗須女之分似為有據蓋嚴雖吳越舊

疆而僻在一隅分星度數難以吳越廣地律之且

漢紀隋書唐志宋史推則悉經數斗牛女之說近

之不然淳在隋唐屬新安今徽曰斗女分野淳何

迥異耶

縣城